

**Zeitschrift:** Romanica Raetica : perscrutaziun da l'intschess rumantsch  
**Herausgeber:** Societad Retorumantscha  
**Band:** 17 (2007)

**Artikel:** Fontaunas da dretg romontschas : ord igl anteriur territori grischun dalla Ligia dalla Casa da Dieus e dalla Ligia Grischa  
**Autor:** Nay, Giusep  
**Vorwort:** Plaid accumpignont  
**DOI:** <https://doi.org/10.5169/seals-858957>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 01.04.2025

**ETH-Bibliothek Zürich, E-Periodica, <https://www.e-periodica.ch>**

## Plaid accumpignont

Fontaunas ein segns da veta, ellas spisgentan veta nova. Quei associeschan ins buca senz'auter cun fontaunas da dretg. E tuttina han era ellas quella funcziun. Dil tuttatafatg endretg san ins capir il dretg vertent la finala mo sch'ins enconuscha las fontaunas che han spisgentau el. Da quellas senu-treschan novas normas legalas. E bien dretg, il qual vegn era observaus, ei quel che vegn sviluppaus sin la basa dil dretg precedent e da sias fontaunas.

Han ils purs dil vitg vischinont ils medems dretgs sin las pastiras dalla vischnaunca sch'els han lur cuolms sil territori da quella, ni valan dretgs equals mo sin las pastiras ella vischinonza da quels cuolms? Tgei ragischs historicas e tgei natira giuridica han corporaziuns d'alp, e tgi ha consequentamein il dretg da decider da fusiunar quellas? Mo duas damondas che la Dertgira federala ha stuiu tractar aunc recentamein ed allas qualas ella ha saviu rispunder mo sebasond sin las veglias fontaunas da dretg. Ual il grond svilup e las grondas midadas el cultivar ed utilisar prau e prada, cuolms ed alps basegnan midadas dad usits ed isonzas, dil dretg. La dretga via muossan bunas enconuschientschas dals vegls statuts e reglements e da lur intent e funcziun.

Fatgs e tradiziuns giuridicas ein en nies cantun Grischun zun multifars. Daco senumnan las vischnauncas en Surselva ed ell'Engiadina aulta aschia, en autras parts dil cantun denton cumüns? Ils venerabels cumins che cumpigliavan plirs vischinadis eran quels ch'eran purtaders dils dretgs «suverans» e formavan l'organisaziun politica cun qualitäts d'in stadi. Ils singuls vitgs havevan buca tals dretgs, mobein eran sempels vischinadis cun dretgs restrenschis da reglementar cunzun la veta economica agrara. Ell'Engiadina bassa perencunter haveva mintga vitg ils dretgs «suverans» – muort la situaziun topogeografica cunzun, sco Peter Liver giudichescha, ei negina organisaziun politica per plirs vitgs ni l'entira vallada sestabilida – ed aschia senumna la vischnaunca leu «cumün».

Quei ei sulet in exempel che muossa la diversitad el svilup historic e la rihezia da nossa cultura ual en fatgs da dretg. Ina publicaziun da fontaunas ha sia valur tut tenor con cumpleta ella ei. Muort la gronda diversitad e las differenzas en statuts e tschentaments era gia da vitg tier vitg vala quei en nies cass dublamein.

L'edizium presenta ha il nundispiteivel meret dad emplenir ina largia sensibla e da render accessiblas en in tom cumplessiv era las fontaunas da dretg romontschas aunc buca ni mo parzialmein publicadas. Historichers e giurists spetgan cun viv interess sin ina tala edizium. Ch'ella anfli ina buna accoglientscha e porti biars e bials fretgs ella perscrutaziun dalla historia culturala sco en special era dalla historia da dretg.

«Sche ti vul saver nua ti vas, stos ti saver danunder che ti vegnas»: En quei senn proverbial pli vast, applicaus alla muntada dallas fontaunas historicas, san ins buca apprezzar avunda la valur dallas fontaunas da dretg

sco scazi ch'intimescha nus da perscrutar e schar viver tradiziuns ed ison-  
zas romontschas genuinas. Quellas fuorman ina basa tut auter che negli-  
gibla per mantener e promover nies lungatg matern e nossa cultura.

Losanna, december 2006

*dr. Giusep Nay*  
*President dalla Dertgira federala*